

Spagnar ed optimar

Ilanz/Glion duei daventar ina regiun d'energia

DA GIUSEP VENUZIN / ANR

■ Il marcau da Glion vul s'engaschar tier la midada sil sector d'energia. Ils emprems pass ha el fatg cun contonscher il label «marcau d'energia» avon treis onns. Sco nova vischnaunca cun in grond diember da fracziuns havess Ilanz/Glion ussa la caschun da daventar ina «regiun

d'energia» sco vischnaunca singula. Quei ha *Gerold Hafner* detg a caschun d'in apéro il gliendisdis sera. Tier quei apéro sil plaz cumin ha igl Uffeci cantunal per l'energia fatg reclama per l'energia efficienzia. Quei ha *Barthli Schrofer* fatg cun demonstrar tgei ch'ina isolaziun moderna presta. Il gliendisdis proxim ha liug a Glion ella sala cumin ina infor-

maziun davart l'isolaziun e davart las contribuziuns dil stadi persuentar. El rom dil project «regiun d'energia» succeda sco emprema lavur ina inventarisaziun dils baghetgs en possess dalla vischnaunca. Quei succeda cun sustegn digl Uffeci federal per energia.

> PAGINA 3



Gerold Hafner (seniester) tgamuna la nova cumissiun d'energia e sestenta pil label «regiun d'energia». Barthli Schrofer ei menader da project ed expert dalla efficienzia d'energia tier igl Uffeci cantunal d'energia. FOTO G. VENUZIN